

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3-3035 /25

Datum: 27.11.2025. godine

Na osnovu člana 13. Zakona o principima lokalne samouprave („Službene novine FBiH”, broj: 49/06 i 51/09) i člana 18. Statuta općine Olovo („Službeni glasnik općine Olovo”, broj: 2/07, 4/08, 7/18 i 8/19), Općinsko vijeće Olovo na VIII-redovnoj sjednici održanoj dana, 27.11.2025. godine, *donijelo je*

ZAKLJUČAK

1. **USVAJA SE** Nacrt Odluke o javnim parkiralištima na području naseljenog mjesta Olovo i upućuje se u javnu raspravu u trajanju od 30 dana.
2. Javna rasprava će biti organizovana u Mjesnoj zajednici Olovo, klubovima vijećnika, političkim strankama koje participiraju u radu Općinskog vijeća, nadležnim radnim tijelima, nevladinim i neprofitnim organizacijama.
3. Nacrt Odluke o javnim parkiralištima na području naseljenog mjesta Olovo objaviti u „Službenom glasniku Općine Olovo”, oglasnoj ploči Općine Olovo i web stranici Općine Olovo.
4. Centralna javna rasprava o Nacrtu Odluke o javnim parkiralištima na području naseljenog mjesta Olovo održat će se dana, 15.12.2025. godine sa početkom u 10:00 sati u sali Općinskog vijeća.
5. Organ za provođenje javne rasprave je Općinski načelnik.
6. Općinski načelnik je obavezan rezultate javne rasprave (prikupljenje primjedbe, primjedbe, prijedloge, mišljenja i sugestije) na Nacrt Odluke o javnim parkiralištima na području naseljenog mjesta Olovo, analizirati i o rezultatima javne rasprave podnijeti izvještaj Općinskom vijeću.
7. Zaključak stupa na snagu danom donošenja, a naknadno će se objaviti u „Službenom glasniku Općine Olovo“.

Dostavljeno:

1. Općinsko vijeće,
2. Općinski načelnik,
3. Služba za ekonomske poslove-x2,
4. a/a.



**PREDSJEDAVAJUĆI
OPĆINSKOG VIJEĆA**

Kadir Plećan

Na osnovu člana 13. stav 2. alineja 8. Zakona o principima lokalne samouprave u Federaciji Bosne i Hercegovine („Službenenovine FBiH“, broj: 49/06 i 51/09), člana 3. alineja h), člana 49. Zakona o komunalnim djelatnostima („Službene novine Ze-do kantona“, broj: 17/08), člana 2., i 8. Zakona o osnovama sigurnosti saobraćaja na putevima u BiH („Službeni glasnik BiH“, broj: 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/2023) i člana 12. i 18. Statuta Općine Olovo („Službene novine Općine Olovo“ broj: 2/07, 4/08, 7/18 i 8/19), Općinsko vijeće Olovo na sjednici održanoj dana, 27.11.2025. godine, donijelo je

ODLUKU

o javnim parkiralištima na području naseljenog mjesta Olovo

I - OPĆE ODREDBE

Član 1.

(Predmet Odluke)

- (1) Odlukom o javnim parkiralištima na području naseljenog mjesta Olovo (u daljem tekstu: Odluka) uređuju se:
- a) uslovi i način korištenja javnih parkirališta,
 - b) uslovi i način korištenja parking površina namijenjenih za parkiranje vozila stanara u objektima kolektivnog stanovanja,
 - c) kontrola korištenja javnih parkirališta,
 - d) upravljanje javnim parkiralištima,
 - e) način naplate naknade za korištenje javnih parkirališta,
 - f) nadzor,
 - g) kaznene odredbe,
 - h) prelazne i završne odredbe.
- (2) Djelatnost održavanja javnih parking prostora je komunalna djelatnost individualne komunalne potrošnje od javnog interesa, a obavlja se kontinuirano i u skladu sa zakonskim i podzakonskim propisima, te ovom Odlukom.

Član 2.

(Načela obavljanja djelatnosti održavanja javnih parking prostora)

- (1) Javnim parkiralištem se smatra javna površina namijenjena isključivo za zaustavljanje i parkiranje vozila, određena ovom Odlukom.
- (2) Javna parkirališta mogu biti uređena za parkiranje vozila na ulici i van ulice.
- (3) Javna parkirališta van ulice mogu biti otvorenog i zatvorenog tipa. Otvorena javna parkirališta su ona parkirališta koja zbog saobraćajne situacije nije moguće fizički zatvoriti preprekama. Zatvorena javna parkirališta su parkirališta koja se u cilju kontrole ulaza i izlaza vozila mogu fizički zatvoriti, a da se ne remete normalni tokovi saobraćaja.
- (4) Djelatnost održavanja javnih parking prostora vrši se tako da se osigura:
- a) trajno i kontinuirano obavljanje djelatnosti javnih parking prostora,
 - b) kvalitet u obavljanju djelatnosti održavanja javnih parking prostora
 - c) održavanje prostora i površina na kojem se obezbjeđuje obavljanje djelatnosti u funkcionalnom stanju,
 - d) obavljanje djelatnosti održavanja javnih parking prostora, kojom se obezbjeđuje samoodrživost djelatnosti i
 - e) javnost i transparentnost rada.
- (5) Način korištenja, red i rad taksi stajališta propisan je odredbama Pravilnika o načinu korištenja, redu i radu na taksi stajalištima, rasporedu taksi vozila na taksistajalištima i kriterijima za

raspored taksi vozila na taksi stajalištima na području općine Olovo (broj: 04-02-1-707/25 od 27.01.2025. godine)

Član 3. **(Davalac usluge)**

- (1) Obavljanje komunalne djelatnosti javnih parkirališta na području naseljenog mjesta Olovo povjerava se Javnom komunalnom preduzeću „Bioštica“ d.o.o. Olovo (u daljem tekstu: Davalac usluge).
- (2) Davalac usluge je dužan osigurati uslove i voditi brigu o javnim parkiralištima na sljedeći način:
 - a) održavati vertikalnu i horizontalnu saobraćajnu signalizaciju na parkiralištu;
 - b) održavati čistoću na javnim parkiralištima;
 - c) održavati javna parkirališta u zimskim uvjetima u funkcionalnom stanju,
 - d) sanirati oštećenja kolovoza na javnim parkiralištima radi osiguranja sigurnosti i funkcionalnosti površina za parkiranje,
 - e) osigurati i obezbijediti uslove za naplatu usluge korištenja javnog parkirališta.
- (3) Davalac usluge nema obavezu čuvanja vozila i ne snosi odgovornost za oštećenje ili krađu vozila.
- (4) Visinu naknade za korištenje javnih parkirališta, u smislu odredaba ove Odluke, predlaže Davalac usluge, a utvrđuje Općinsko vijeće Olovo.
- (5) Sastavni dio ove Odluke je ANEKS I u kojem je definisan : broj parking mjesta, zona, vrsta javnog parkirališta , rezervacija-naplata i cijena (izražena u KM).

Član 4. **(Korisnik usluge)**

- (1) Korisnik usluge javnih parkirališta iz ove Odluke, u smislu odredbi ove Odluke, je lice (Registrovani privredni subjekt ili Fizičko lice - građanin) koje je vlasnik motornog vozila i/ili upravlja motornim vozilom koje se parkira na parking mjesto (u daljem tekstu: korisnik).
- (2) Parkiranjem vozila na parking mjesto korisnik prihvata uslove parkiranja propisane ovom Odlukom.
- (3) Korisnik usluge dužan je Davaocu usluge platiti naknadu prema tarifi utvrđenoj u ANEKSU I ove odluke za korištenje javnog parkirališta.

II – USLOVI I NAČIN KORIŠTENJA JAVNIH PARKIRALIŠTA

Član 5. **(Javna parkirališta)**

- (1) Javna parkirališta na kojima se pruža usluga parkiranja na području naseljenog mjesta Olova navedene su u ANEKSU I ove Odluke.
- (2) Javna parkirališta na kojima se pruža usluga parkiranja na području naseljenog mjesta Olovo svrstavaju se u dvije zone : Zona I i Zona II
- (3) Služba za ekonomske poslove svojim aktom može utvrditi nova parkirališta.

Član 6. **(Vertikalna i horizontalna saobraćajna signalizacija)**

- (1) Javna parkirališta iz člana 5. ove Odluke označena su horizontalnom i vertikalnom saobraćajnom signalizacijom, u skladu sa propisima o sigurnosti saobraćaja.
- (2) Vertikalna saobraćajna signalizacija sadrži:
 - a) oznaku „P“ (parkiralište) ;
 - b) broj parking zone ;
 - c) cijena usluga javnih parkirališta ;
 - d) upozorenje o obaveznoj naplati usluga parkiranja ;
 - e) upozorenje da će vozila parkirana na nedozvoljen način biti blokirana uređajem za blokiranje točkova – „**lisicama**“ sa cijenom deblokiranja;
- (3) Horizontalna saobraćajna signalizacija označava se u skladu sa propisima o sigurnosti saobraćaja.
- (4) Korisnik je dužan vozilo parkirati u skladu sa vertikalnom i horizontalnom signalizacijom.

Član 7.

(Parking mjesta za osobe sa invaliditetom)

- (1) Na svakom javnom parkiralištu na području grada Olovo određuje se 5% + 1 pristupačno parking mjesto za osobe sa invaliditetom u odnosu na ukupni broj parking mjesta.
- (2) Parking mjesto za osobe sa invaliditetom se obilježava žutom bojom.
- (3) Vozilo kojim upravlja osoba sa invaliditetom može se parkirati na javnim parkiralištima, odnosno na parking mjestima posebno obilježenim za osobe sa invaliditetom, bez plaćanja parking karte (osim na javnim parkiralištima na kojim se parking mjesto naplaćuje uz pomoć automata), uz posjedovanje znaka pristupačnosti.
- (4) Uslovi za dobijanje znaka pristupačnosti, njegov oblik i sadržaj propisani su Pravilnikom o načinu obilježavanja vozila kojima upravlja osoba s oštećenim ekstremitetima ili kojim se prevozi osoba sa stepenom invaliditeta 80% i više („Službeni glasnik BiH“, broj: 31/25) .
- (5) Vozilo parkirano na parking mjestu označenom za osobu sa invaliditetom, a koje nema vidno istaknut znak pristupačnosti, bit će blokirano uređajem za blokiranje točkova – „**lisicama**“, a troškove deblokade snosi korisnik usluge.

Član 8.

(Parking karta)

- (1) Ulaskom na javno parkiralište na kome se vrši naplata, vlasnik ili lice koje upravlja vozilom, prihvata uslove parkiranja propisane ovom Odlukom.
- (2) Parking karta je dokaz o uredno plaćenju naknadi za parkiranje na javnom parkiralištu.
- (3) Parking karta može biti: satna, dnevna, mjesečna, polugodišnja i godišnja.

Član 9.

(Načini plaćanja parking karte)

- (1) Za korištenje javnog parkirališta korisnik plaća naknadu prema tarifi utvrđenoj u ANEKSU 1.
- (2) Korisnik plaća korištenje javnih parkirališta unaprijed, kupovinom parking karte putem automata, ovlaštenog lica Davaoca usluge ili Davaoca usluge.

Član 10.

(Satna i dnevna parking karta)

- (1) Satne i dnevne parking karta plaćaju se na parkiralištima za satnu i dnevnu naplatu na automatima za naplatu ili naplatom putem ovlaštene službene osobe Davaoca usluge.
- (2) Satna i dnevna parking karta sadrži sljedeće podatke:
 - a) skraćenu oznaku davaoca usluge
 - b) serijski, odnosno, redni broj karte
 - c) datum izdavanja

- d) vrijeme početka parkiranja
- e) vrijeme trajanja parkiranja
- f) obavijest o načinu isticanja parkirne karte
- g) cijenu parkiranja.

Član 11.

(Mjesečna, polugodišnja i godišnje parking karta)

- (1) Rezervisana javna parkirališta su prostori za parkiranje vozila rezervisanih od strane pravnih ili fizičkih lica kod Davaoca usluge.
- (2) Davaoc usluge, u svom sjedištu, izdaje mjesečne, polugodišnje i godišnje parking karte za parkirališta na bazi rezervacije.
- (3) Parking karta iz stava (2) ovog člana izdaje se na osnovu podnešenog zahtjeva, uz koji se na uvid prilažu lična karta i saobraćajna dozvola.
- (4) Mjesečna, polugodišnja i godišnja parking karta može se koristiti samo za vozilo za koje je izdana.
- (5) Mjesečna, polugodišnja i godišnja parking karta ima :
 - a) obilježje naseljenog mjesta Olovo (ime i grb),
 - b) naziv Davaoca usluge,
 - c) registarsku oznaku vozila,
 - d) serijski broj,
 - e) rok važenja karte.
- (6) Korisnik mjesečne, polugodišnje i godišnje parking karte dužan je istaći kartu u vozilu ispod prednjeg vjetrobranskog stakla.

Član 12.

(Naplata putem ovlaštene službene osobe)

- (1) Kod naplate javnog parkirališta putem ovlaštene službene osobe Davaoca usluge, korisnik unaprijed kupuje popunjenu parking kartu od istog i ističe je na vidno mjesto ispod prednjeg vjetrobranskog stakla.
- (2) Ovlaštena službena osoba Davaoca usluge mora imati identifikacionu legitimaciju, na kojoj je ispisan naziva Davaoca usluge, serijski broj te ime i prezime službene osobe.

Član 13.

(Automatska naplata)

- (1) Kod automatske naplate javnog parkirališta, korisnik količinom ubačenih kovanica u parking automat sam određuje dužinu plaćenog parkiranja i parking kartu ističe na vidno mjesto ispod prednjeg vjetrobranskog stakla ili po izlazu sa parkirališta plaća uslugu posredstvom automata za naplatu na osnovu provednog vremena na parking.
- (2) Zabranjeno je blokiranje i oštećenje parking automata (ubacivanjem neodgovarajućih kovanica ili drugih materijala i vršenje bilo kakvih radnji kojim se oštećuje parking automat).

Član 14.

(Korištenje javnog parkirališta bez parking karte)

- (1) Ukoliko u toku interventnih akcija koriste javno parkiralište, korištenje javnog parkirališta bez kupljene parking karte dozvoljeno je: službenim vozilima Ministarstva unutrašnjih poslova, službenim vozilima Armije BiH, vozilima hitne pomoći, vatrogasnim vozilima i službenim vozilima Državne agencije za istrage i zaštitu BiH.
- (2) Vozila pravnih lica koja su izvođači radova na javnim površinama, za vrijeme dok se radovi izvode, u skladu sa odobrenjem nadležne općinske Službe za ekonomske poslove, izuzeta su od plaćanja naknade za parkiranje

III USLOVI I NAČIN KORIŠTENJA PARKING POVRŠINA NAMIJENJENIH ZA PARKIRANJE VOZILA STANARA U OBJEKTIMA KOLEKTIVNOG STANOVANJA

Član 15.

(Parking površine namijenjene za parkiranje vozila stanara)

- (1) Parking površine namijenjene za parkiranje vozila stanara u objektima kolektivnog stanovanja navedene su u ANEKSU I ove Odluke.
- (2) Ako parking površine iz stava (1) ovog člana nisu popunjene vozilima stanara onda se parking mjesto može ustupiti Korisniku usluge (Registrovani privredni subjekt ili Fizičko lice - građanin) , s tim da prednost ima Registrovani privredni subjekt.

Član 16.

(Vertikalna saobraćajna signalizacija)

- (1) Parking površine iz člana 15. ove Odluke označene su vertikalnom saobraćajnom signalizacijom, koja sadrži:
 - a) oznaku lokacije parkinga (skraćeni naziv parkinga);
 - b) znak zabrane parkiranja, osim vozila stanara koja imaju odgovarajuću parking karticu;
 - c) upozorenje da će vozila bez uredno istaknute parkirne kartice biti blokirana uređajem za blokiranje točkova - „**lisicama**“ uz naznaku cijene deblokiranja vozila.

Član 17.

(Važeća parking kartica)

- (1) Parkiranje na parking površinama iz člana 15. ove Odluke, dozvoljeno je samo uz pravilno istaknutu važeću parking karticu.
- (2) Parking karticu iz stava (1) ovog člana izdaje Davalac usluge u svom sjedištu, a na osnovu zahtjeva korisnika usluge.
- (3) Svaka parking kartica ima stilizovani grb naseljenog mjesta Olovo, upisanu oznaku parkinga na koji se odnosi, te svoj serijski broj.
- (4) Parking karticu je potrebno istaknuti na vidnom dijelu vjetrobranskog stakla vozila za koje je izdana, a korisniku je dozvoljeno parkiranje samo na parkingu na koji se odnosi predmetna parkirna kartica.
- (5) Korisnik je obavezan Davaocu usluge prijaviti promjenu registarskih oznaka vozila za koje je parking kartica izdata.
- (6) Parkiranje na parking površinama iz člana 15. ove Odluke podrazumijeva rezervaciju parking mjesta u roku važenja parking kartice.
- (7) Davalac usluge ne odgovara za eventualno nastalu štetu ili krađu vozila.

Član 18.

(Izdavanje parkirne kartice)

- (1) Pravo na parking karticu na parking površinama iz člana 15. ove Odluke imaju samo fizičke osobe – stanari.
- (2) Jedno fizičko lice (stanar) ima pravo na jednu parking karticu.
- (3) Prednost kod rezervacije parking mjesta iz člana 15. ove Odluke imaju postojeći korisnici,
- (4) U roku od 15 dana od dana stupanja na snagu ove Odluke korisnici iz stava 3. ovog člana moraju rezervirati parking mjesto.

IV - KONTROLA KORIŠTENJA JAVNIH PARKIRALIŠTA, BLOKIRANJE I DEBLOKIRANJE VOZILA

Član 19. (Kontrolor)

- (1) Kontrolor je ovlašteno lice Davaoca usluge koji vrši kontrolu pravilnosti korištenja javnih parkirališta.
- (2) Kontrolor mora imati identifikacionu legitimaciju definisanu članom 12. ove Odluke.

Član 20. (Povreda uslova korištenja javnih parkirališta)

- (3) Korisnik usluge čini povredu uslova korištenja javnih parkirališta propisanih ovom Odlukom ako:
 - a) vozilo nema istaknutu važeću parkirnu kartu;
 - b) parking karta nije istaknuta na vidan i uočljiv način;
 - c) parking karta ne odgovara lokaciji za koju je izdana;
 - d) ako je parkiranje izvršeno na mjestima predviđenim za invalidne osobe,
 - e) ako je izvršeno parkiranje vozila za koje nije plaćena usluga korištenja javnog parkinga,
 - f) parking karta ne odgovara vozilu za koje je izdana;
 - g) ako korisnik parkira vozilo suprotno saobraćajnom znaku, horizontalnoj i vertikalnoj signalizaciji te tako ometa ostale korisnike parkirališta;
 - h) ako korisnik nesavjesno koristi automat za naplatu naknade korištenja parkinga,
 - i) ako korisnik prekorači dopušteno vrijeme parkiranja za više od 15 minuta.

Član 21. (Blokiranje nepropisno parkirano vozila)

- (1) U slučaju povreda uslova korištenja javnih parkirališta iz člana 20. ove Odluke, ovlaštene službene osobe Davaoca usluge izvršit će blokiranje vozila uređajem za blokiranje točkova - „lisicama“.
- (2) O blokiranju vozila ovlaštena službena osoba Davaoca usluge je dužna sačiniti zapisnik i fotodokumentaciju o učinjenom prekršaju, u koji se unose podaci o vozilu i stanju vozila prije i nakon blokade.
- (3) Kod blokiranja vozila, ovlaštena službena osoba Davaoca usluge je dužna, na prednje vjetrobransko staklo ili na drugo vidno mjesto, staviti obavijest (*naljepnicu*) da je vozilo blokirano sa uputom korisniku o daljnjem postupanju i istu radnju fotografski zabilježiti.
- (4) Prije početka stavljanja uređaja za blokiranje točkova na vozilo, isto se fotografira u zoni točkova (blatobran, prednji dio vrata i sl.) kako bi se tačno utvrdilo u kakvom je stanju vozilo bilo prije stavljanja blokade. Fotografiranje se vrši radi spriječavanja eventualnih zahtjeva korisnika usluge za isplatu štete za oštećenja koja su već ranije bila na vozilu.
- (5) Obavijest mora da sadrži: pravni osnov blokiranja, datum i vrijeme blokiranja vozila, lokacija parkirališta (broj parkirališta, adresa), marka vozila, registarska oznaka blokirano vozila, kontakt telefon, način plaćanja naknade za deblokiranje i postupak u slučaju neplaćanja troškova deblokiranja.
- (6) Nakon blokiranja vozila, obavezno se fotografira blokirani točak i cjelokupno vozilo sa vidljivom registracijom vozila.
- (7) Troškove blokiranja-deblokiranja vozila snosi korisnik usluge.

Član 22.
(Deblokiranje vozila)

- (1) Ovlaštena osoba Davaoca usluge će po prijemu dokaza o plaćanju troškova deblokiranja vozila isto deblokirati i sačiniti zapisnik.
- (2) Nakon deblokade vozila, isto se fotografira i sačinjava potvrda o deblokiranju vozila.

Član 23.
(Troškovi deblokiranja vozila)

- (1) Troškove deblokiranja vozila snosi korisnik usluge.
- (2) Troškovi deblokiranja vozila iznose 30,00 KM.
- (3) Novčana sredstva iz člana 23. stav (2) su prihod Davaoca usluge i koriste se kao namjenska sredstva za nabavku parking kartica , lisica , naljepnica (obavjesti) za blokirana vozila i drugih potreba za nesmetan rad ovlaštane osobe Davaoca usluge.

V – NADZOR

Član 24.
(Nadzor)

- (1) Nadzor nad provođenjem ove Odluke i inspeksijski nadzor vrše ovlaštena lica Općine Olovo.

VI – KAZNE NE ODREDBE

Član 25.
(Novčane kazne)

- (1) Novčanom kaznom u iznosu od 500,00 KM do 3.000,00 KM kaznit će se za prekršaj Davaalac usluge ukoliko ne postupi u skladu sa odredbama člana 3. stav (2) ove Odluke ,
- (2) Novčanom kaznom u iznosu od 500,00 KM do 1.000,00 KM kaznit će se za prekršaj Davaalac usluge ukoliko ne postupi u skladu sa odredbama člana 7. ove Odluke ,
- (3) Lice koje ošteti i blokira parking automat iz člana 13. stav (2) ove Odluke, kaznit će se za prekršaj novčanom kaznom u iznosu od 100,00 KM do 1.000,00 KM.

Član 26.
(Prihod od novčanih kazni)

- (1) Novčane kazne naplaćene po članu 25. ove odluke su prihod Općine Olovo i koriste se kao namjenska sredstva za unapređenje javnih parkirališta na teritoriji naseljenog mjesta Olovo.

VI - PRELAZNE I ZAVRŠNE ODREDBE

Član 27. (Prikupljena sredstva)

- (1) Davalac usluge će mjesečno na račun Općine Olovo uplaćivati iznos od 10% od ukupno prikupljenih sredstava za prethodni mjesec do kraja tekućeg mjeseca.

Član 28. (Izvještaj)

- (1) Davalac usluge je dužan da podnese finansijski izvještaj za prethodni mjesec do kraja tekućeg mjeseca.

Član 29. (Osiguranje tehničkih uslova i izgradnja potrebnog sadržaja)

- (1) Do osiguranja tehničkih uslova i izgradnje potrebnog sadržaja, na parking u „Novi parking kod Doma kulture“ naplata će se vršiti po sistemu mjesečne, polugodišnje i godišnje rezervacije kod Davaoca usluge a do osiguranja tehničkih uslova i izgradnje potrebnog sadržaja na parking u „Tržnica“ parking će naplaćivati ovlaštena osoba Davaoca usluge.
- (2) Osiguravanjem tehničkih uslova i izgradnjom potrebnog sadržaja na parkiralištima „Novi parking kod Doma kulture“ i „Tržnica“ rezervacija i naplata naknade će se vršiti kako je definisano u ANEKS I.

Član 30. (Javno parkiralište u ulici Bosanska)

- (1) Parking mjesta „Na ulici“ u ulici Bosanska se ukidaju.
- (2) Parking mjesta „Van ulice“ u ulici Bosanska ostaju.
- (3) Saobraćaj u ulici Bosanska će se urediti Odlukom o saobraćaju i bit će usklađena sa ovom Odlukom.

Član 31. (Lisice i naljepnice)

- (1) Davalac usluge je obavezan nakon stupanja ove Odluke na snagu , izvršiti nabavku dovoljnog broja lisica, dovoljnog broja naljepnica i ostalih potrebnih sredstava za nesmetan rad ovlaštene osobe Davaoca usluge.

Član 32.
(Horizontalna i vertikalna signalizacija)

- (1) Nakon stupanja ove Odluke na snagu , davalac usluge je obavezan izvrši usklađivanje horizontalne i vertikalne signalizacije na parking mjestima u naseljenom mjestu Olovo.

Član 33.
(Prestanak važenja ranijih propisa)

- (1) Stupanjem na snagu ove Odluke prestaje da važi Odluka o javnim parkiralištima na području općine Olovo („Službeni glasnik Općine Olovo“ , broj: 3/16, 7/18 i 1/24).

Član 34.
(Stupanje na snagu)

- (1) Ova Odluka stupa na snagu 01.01.2026. godine.

Broj: 01-01-3-3035/25
Datum: 27.11.2025. godine



PREDSJEDAVAJUĆI
OPĆINSKOG VIJEĆA

Kadir Plećan

Aneks I - JAVNA PARKIRALIŠTA SA NAPLATOM

Javna parkirališta na području naseljenog mjesta Olovo – broj parking mjesta

Redni broj	Naziv javnog parkirališta-lokacija
1	Stari zanatski centar
2	Stara pijaca
3	Tržnica
4	Ul. Školska
5	Husein kapetana Gradašćevića
6	Novi parking kod Doma kulture
7	Lamele I-V
8	Soliteri
9	Karingtonka
10	JU Dom zdravlja sa stacionarom Olovo
11	Ul.Bosanska

Javna parkirališta na području naseljenog mjesta Olovo – zone i vrsta javnog parkirališta

Redni broj	Naziv javnog parkirališta-lokacija	Zona	Vrsta javnog parkirališta	
			Na ulici	Van ulice
1	Stari zanatski centar	I		Van ulice
2	Stara pijaca	I		Van ulice
3	Tržnica	I		Van ulice
4	Ul. Školska	II		Van ulice
5	Husein kapetana Gradašćevića	II	Na ulici	
6	Novi parking kod Doma kulture	I		Van ulice
7	Lamele	II	Na ulici	
8	Soliteri	II	Na ulici	
9	Karingtonka	II		Van ulice
10	JU Dom zdravlja sa stacionarom Olovo	II	Na ulici	
11	Ul.Bosanska	I		Van ulice

Rezervacija i naplata naknade za korištenje javnih parkirališta na području naseljenog mjesta Olovo :

Redn i broj	Naziv javnog parkirališta-lokacija	Rezervacija-naplata				
		Satna	Dnevna	Mjesečna	Polugodišnja	Godišnja
1	Stari zanatski centar					Davalac usluge (rezervacija)
2	Stara pijaca			Davalac usluge (rezervacija)	Davalac usluge (rezervacija)	Davalac usluge (rezervacija)
3	Tržnica		Automat za naplatu parkinga			
4	Ul. Školska		Kontrolor (ovlaštena osoba)			
5	Husein kapetana Gradašćevića			Davalac usluge (rezervacija)	Davalac usluge (rezervacija)	Davalac usluge (rezervacija)
6	Novi parking kod Doma kulture	Automat za naplatu parkinga	Automat za naplatu parkinga	Davalac usluge (rezervacija)	Davalac usluge (rezervacija)	Davalac usluge (rezervacija)
7	Lamele			Davalac usluge (rezervacija)	Davalac usluge (rezervacija)	Davalac usluge (rezervacija)
8	Soliteri			Davalac usluge (rezervacija)	Davalac usluge (rezervacija)	Davalac usluge (rezervacija)
9	Karingtonka			Davalac usluge (rezervacija)	Davalac usluge (rezervacija)	Davalac usluge (rezervacija)
10	JU Dom zdravlja sa stacionarom Olovo					
11	Ul. Bosanska			Davalac usluge (rezervacija)	Davalac usluge (rezervacija)	Davalac usluge (rezervacija)

Napomena :

Naplatu parkinga na parkiralištu Tržnica (do stvaranja tehničkih uslova naplate parkinga automatom za naplatu parkinga) vršiti će Kontrolor.
 Naplata parkinga na parkiralištu Tržnica (do stvaranja tehničkih uslova naplate parkinga automatom za naplatu parkinga) vršiti će se radnim danom od 07:00h – 15:00h. Vikendom i radnim danom poslije 15:00h parking na parkiralištu Tržnica je besplatan.
 Naplatu parking u ulici Školskoj , samo petkom u periodu od 07:00h – 15:00h , vřiti će Kontrolor. Ostalim danima u ovoj ulici je zabrana saobraćaja od 07:00h – 20:00h. Parking u ulici školskoj poslije 20:00h je besplatan.

Parking povrřine na području naseljenog mjesta Olovo namijenjene za parkiranje vozila stanara u objektima kolektivnog stanovanja :

Redni broj	Naziv javnog parkirališta-lokacija
1	Husein kapetana Gradašćevića
2	Novi parking kod Doma kulture
3	Lamele
4	Soliteri
5	Karingtonka

Napomena :

Rezervaciju parking povrřine na Javnim parkiraliřtima definisanim u tabeli imaju stanari u objektima kolektivnog stanovanja u Olovu. Ako ove parking povrřine nisu popunjene vozilima stanara onda se parking mjesto može ustupiti Korisniku usluge (Registrovani privredni subjekt ili Fizičko lice - građanin) , s tim da prednost ima Registrovani privredni subjekt.

Visina naknade za korištenje javnih parkirališta na području naseljenog mjesta Olovo za Fizička lica - građanine :

Redn i broj	Naziv javnog parkirališta-lokacija	NAKNADA ZA KORIŠTENJE JAVNOG PARKIRALIŠTA (KM)				
		Satna	Dnevna	Mjesečna	Polugodišnja	Godišnja
1	Stari zanatski centar					300,00
5	Stara pijaca			15,00	80,00	150,00
3	Tržnica		1,00			
4	Ul. Školska		1,00			
5	Husein kapetana Gradašćevića			12,00	65,00	120,00
6	Novi parking kod Doma kulture	1,00	3,00	15,00	80,00	150,00
7	Lamele			12,00	65,00	120,00
8	Soliteri			12,00	65,00	120,00
9	Karingtonka			12,00	65,00	120,00
10	JU Dom zdravlja sa stacionarom Olovo					
11	Ul. Bosanska			15,00	80,00	120,00

Napomena :

Iznos mjesečne parking karte za ZONA I je 15,00 KM a ZONA II je 12,00KM.

Iznos polugodišnje parking karte je umanjen za 10% iznosa šest mjesečnih parking karta.

Iznos godišnje parking karte je umanjen za 15% iznosa dvanaest mjesečnih parking karta.

Na parkiralištu Stari zanatski centar izdaje se samo godišnja parking karta.

Parkiralište kod JU Dom zdravlja sa stacionarom Olovo je parkiralište namijenjeno za korisnike ove ustanove i parking je besplatan.

Visina naknade za korištenje javnih parkirališta na području naseljenog mjesta Olovo za Registrovane privredne subjekte :

Redn i broj	Naziv javnog parkirališta-lokacija	NAKNADA ZA KORIŠTENJE JAVNOG PARKIRALIŠTA (KM)				
		Satna	Dnevna	Mjesečna	Polugodišnja	Godišnja
1	Stari zanatski centar					400,00
2	Stara pijaca			30,00	160,00	300,00
3	Tržnica		3,50			
4	Ul. Školska		3,50			
5	Husein kapetana Gradašćevića			25,00	135,00	255,00
6	Novi parking kod Doma kulture	2,00	5,00	30,00	160,00	300,00
7	Lamele			25,00	135,00	255,00
8	Soliteri			25,00	135,00	255,00
9	Karingtonka			25,00	135,00	255,00
10	JU Dom zdravlja sa stacionarom Olovo	Samo za korisnike JU DZ Olovo				
11	Ul. Bosanska			30,00	160,00	300,00

OBRAZLOŽENJE

Pravni osnov za donošenje ove Odluke sadržan je u odredbama člana 13. stav 2. alineje 8 Zakona o principima lokalne samouprave u Federaciji Bosne i Hercegovine („Službenenovine FBiH“, broj: 49/06 i 51/09), člana 3. alineja h), člana 49. Zakona o komunalnim djelatnostima („Službene novine Ze-do kantona“, broj: 17/08), člana 2. i 8. Zakona o osnovama sigurnosti saobraćaja na putevima u BiH („Sl.glasnik BiH“, broj: 6/06, 75/06, 44/07, 84/09, 48/10,18/13, 8/17, 89/17, 9/18, 46/23 i i 88/2023), člana 22. Zakona o prekršajima FBiH („Službeni list 63/24 i 19/25) i člana 12. i 18. Statuta Općine Olovo („ Službene novine Općine Olovo“ broj: 2/07, 4/08, 7/18 i 8/19) po kojima je Općinsko vijeće Olovo nadležno za donošenje propisa i preduzimanje drugih potrebnih mjera u cilju bezbjednosti saobraćaja i djelatnosti individualne komunalne potrošnje - održavanje javnih parking prostora i garaža na području općine Olovo.

Odluka o javnim parkiralištima na području općine Olovo („Službeni glasnik Općine Olovo“, broj: 3/16, 7/18 i 1/24) pretrpjela je više izmjena, a s obzirom da se ovom Odlukom uvode i dodatne izmjene u smislu naplate, kontrole i organizacije parking prostora, valjalo je donijeti novu Odluku.

U skladu sa članom 18. stav 1. alineja 4. Statuta općine Olovo („Službeni glasnik općine Olovo“, broj: 2/07, 4/08, 7/18 i 8/19), Općinski načelnik predlaže Općinskom vijeću Olovo donošenje Odluke o javnim parkiralištima na području naseljenog mjesta Olovo.